

4.3.3. ICYICIRO CYA III: Ibikoresho ngarura-rumuri

Ingingo ya 108:

1. Imbibi ziri ku mpera z'ubwihugiko bw'abanyamaguru kandi ziri ku muhanda kimwe n'imbibi n'ibindi bikoresho bigenewe gutuma bagenda mu muhanda nta muvuduko **zisigwa irangi ry'umuhondo ngarurarumuri**.

2. **Amatara cyangwa ibikoresho ngarura-rumuri** bikoreshwa kugirango *bigaragaze inkengero z'inzira nyabagendwa* bigomba gushyirwaho ku buryo abagendera kuri iyo nkengero ihwanye n'uburyo bwo kugendera mu muhanda *babona gusa iburyo bwabo iby'ibara ritukura* cyangwa risa n'icunga rihishije *naho ibumoso bwabo iby'ibara ryera*.

UMUTWE WA IV: IBIMENYETSO BIRI MU MUHANDA

Ingingo ya 109:

Ibimenyetso byo mu muhanda: ni ibimenyetso byashyizwe mu muhanda cyangwa mu nkengero z'utuyira tw'abanyamaguru cyangwa inkengero zigiye hejuru ku muhanda *bigenewe gutunganya uburyo bwo kugendera mu muhanda, cyangwa kuburira cyangwa se kuyobora abagendera mu muhanda*.

Bishobora gukoreshwa byonyine cyangwa biri kumwe n'ibindi bimenyetso. bishushanyije ku mugereka wa 6 w'iri teka.

4.4.1. ICYICIRO CYA I: Ibimenyetso birombereje

Ingingo ya 110:

1. **Ibimenyetso birombereje bigizwe n'imirongo iteganyeho n'umurongo ugabanya umuhanda mo kabiri**.

Bishobora kuba bigizwe:

- a) Umurongo udacagaguye
 - b) Umurongo ucagaguye
 - c) Umurongo udacagaguye n'umurongo ucagaguye ibangikanye.
2. **Umurongo wera udacaguye:** uvuga ko umuyobozi wese abujijwe kuwurenga. Kandi birabujijwe kugendera ibumoso bw'umurongo wera udacagaguye, iyo uwo umurongo utandukanya ibyerekezo byombi by'umuhanda.
3. **Umurongo ucagaguye:** uvuga ko buri muyobozi abujijwe kuwurenga, keretse mu gihe agomba kunyura ku kindi kinyabiziga, gukatira ibimoso, guhindukira cyangwa kujya mu kindi gice cy'umuhanda. **Iyo uduce tw'umurongo ucagaguye ari tugufi kandi twegeranye cyane**, tuvuga ko umurongo ukomeza wegereje.
4. **Iyo umurongo wera ukomeje n'umurongo wera ucagaguye ubangikanye** umuyobozi agomba kwita gusa ku umurongo urushijeho kumwegera.

Umuyobozi wari umurongo ucagaguye n'umurongo udacagaguye ibangikanye kugirango anyire ku kindi kinyabiziga ashobora kongera kuyirenga kugirango asubire mu mwanya we ukwiye mu muhanda.

5. **Mu muhanda ufite ibice binyuranamo gikikijwe n'uduce tugari dufatanye tw'ibara ryera**, ibinyabiziga bigenda buhoro n'ibinyabiziga bitwara abantu muri rusange, bigomba kunyura muri icyo gice cy'umuhanda, bishobora nyamara kunyura mu gice gikurikiyeho ibumoso bishakira kunyura ku bindi binyabiziga bipfa gusa kugaruka mu mwanya wabyo ukwiye mu muhanda bikimara kubinyuraho.